

## Исмул Аъзам



15:01 / 04.11.2017 38808

4522- **اَللّٰهُمَّ سِرِّ نَا اَمْرٍ نَعُوْهُ لَللّٰهِ ضَرْبٌ يَّبْأَنْعُ ، اَعْدِيْ رَبِّ نَبِيْهِ لَللّٰهِ دُبْعٌ - اَللّٰهُمَّ اَللّٰهُ لَللّٰهُ تَنْ اَنْ اَكُنَّ اَدَّهْ شَا يِّنَا اَكُنَّ اَسْأ يِّنَا مُهْلَلَا ؛ لَوْ قَيُّ اَلْجَرَّ عَمَّ سَلْ اَقْفُ ، دَحَا اَوْفُ كُهُ لَنْ كَيِّ مَلَوْ دَلْوِيْ مَلَوْ دَلِيْ مَلَّ يَدَّلَا دَمَّ صِلَا دَحَا لَللّٰهُ تَنْ اَوْرَبَا حَا هَبَّ يَغْدَا وَا ، يَطْعَا هَبَّ لَللّٰهُ اِذَا يَدَّلَا مَسْ اَللّٰهُ اَبَّ هَلَلَا تَلَّ اَسْ دَقْلَنْ نَسْلَلَا بَا حَصَا**

4522. Абдуллоҳ ибн Бурайдадан, у киши оталари розияллоху анхумодан бундай ривоят қиладилар:

**«Расулуллоҳ соллаллоху алайҳи васаллам бир кишининг «Аллоҳим! Мен Сендан сўрайман. Албатта, мен Сенинг Аллоҳ эканингга, Сендан ўзга илоҳи маъбуд йўқлигига, Сенинг Аҳаду Сомадлигингга, туғмаган ва туғилмаган ҳамда тенги йўқ Зот эканингга шаҳодат келтираман», деганини эшитиб:**

**«Батаҳқиқ, Аллоҳдан у билан сўралса, берадиган ва дуо қилинса, ижобат қиладиган исм ила сўрадинг», дедилар».**

«Сунан» эгалари ривоят қилганлар.

**Шарҳ:** Албатта, мазкур ҳолнинг юзага чиқиши учун сўровчининг зоҳиру ботини пок бўлиши, у ҳалолдан ризқланган бўлиши, нияти ва ихлоси холис бўлиши каби бир неча шартларни ўзида мужассам қилган бўлиши керак.

Бу ривоятдаги дуода Аллоҳ таолонинг бир неча исмлари тилга олинди. Аммо ўша исмларнинг қай бири Исми Аъзам эканини билиб бўлмайди.

4523- ﴿هُوَ اللَّهُ الَّذِي لَا إِلَهَ إِلَّا هُوَ الْعَزِيزُ الْحَقُّ الْمُبِينُ الَّذِي يَخْلُقُ مَا يَشَاءُ وَيَخْتَارُ لَا يُدْرِكُهُ الْبَصَرُ وَلَا يَحِيطُ بِهِ خَيْرٌ لِّمَن يَخَفُهُ﴾ **يَسْمَعُ السَّمْعَ الْغَيْبِيِّ وَهُوَ الْعَلِيمُ الْغَيْبِيِّ**

4523. *Асмо бинти Язийд розияллоҳу анҳодан ривоят қилинади:*

**«Набий соллаллоҳу алайҳи васаллам:**

**«Аллоҳнинг исми аъзами ушбу икки оятдадир: «Ва илоҳингиз ягона Илоҳдир. Ундан ўзга илоҳ йўқ. У Роҳман ва Роҳиймдир» ва Оли Имроннинг аввалидаги «Аллоҳ - Ундан ўзга илоҳ йўқ. У Ҳайй ва Қаййумдир» оятидадир», дедилар».**

*Имом Аҳмад, Абу Довуд ва Термизий ривоят қилганлар.*

**Шарҳ:** Дарҳақиқат, бу икки оятда зикр қилинган Аллоҳ таолонинг исмлари ўзида катта маъноларни жамлагандир. Келинг, улар билан яқиндан танишиб чиқайлик:

**«Ва илоҳингиз ягона Илоҳдир. Ундан ўзга илоҳ йўқ. У Роҳман ва Роҳиймдир»** («Бақара» сураси, 163-оят).

Ушбу оятда Ислом ақийдасининг бош масаласи – Аллоҳнинг ягоналиги асосий қоида сифатида илгари сурилмоқда. Аллоҳнинг борлигига ҳеч қачон шубҳа бўлмаган. Унинг зоти ва сифатлари ҳақида тортишувлар доимо бўлиб турарди. Унинг махлуқотлар билан алоқаси ҳақида ҳам тортишувлар кечган. Фақат даҳрийларгина илоҳнинг йўқлиги ҳақида сафсата сотдилар. Аллоҳнинг борлигини инкор этдилар.

**«Алиф. Лаам, Мийм. Аллоҳ - Ундан ўзга илоҳ йўқ. У Ҳайй ва Қаййумдир»** («Оли Имрон» сураси, 1-2-оятлар).

Ояти Курсийда келганидек, ушбу ояти карима тавҳидни, Аллоҳнинг ягоналигини холис баён қилади. Аллоҳ таолодан ўзга бандаларнинг ибодатига сазовор ҳеч бир илоҳи маъбуд йўқдир. Аллоҳ доим тирикдир, ўлмайди. У Қайюм – бандалари ишларининг тадбирида доимо қоим

турувчидир. Бошқаларнинг туриши ҳам У Зот биландир.

Бу икки ояти каримада ҳам Аллоҳ таолонинг бир неча исмлари зикр қилинган. Аммо улардан қайси бири Исми Аъзам эканига аниқ ишора йўқ.

4524- لُجْرَوِيْحُ سَمَلَا فِي اَسْلَاجِ r هَلْ لَ لْ وُسْرَعَمَ نَاكُهُ نَا t سَنَانَعُ  
نَانَمَلَا تَنَا اَلْ اَلْ اَلْ اَلْ اَلْ دَمَحْلَا كَلْ نَابَ كَلْ اَسَا يَنْ اَمُهَلْ لْ ا: اَعْدَمُ تْ يَلْ صُي  
لْ اَقَوْ اُمُوَيْقْ اِيْ حْ اِيْ اَمْ اَرْكَلْ اَوَلْ اَلْ جَلْ اِذْ اِيْ اَضْرَالْ اَوْتْ اَوَامْ سَلْ اَعْيْ دَبْ  
لْ اَسْ اِدْ اَوْ اَبْ اَجْ اَوْ بْ اَعْيْ دْ اِذْ اِيْ دَلْ اِمْ يَطْعَلْ اَوْمْ سَابْ هَلْ لْ اَعْدْ دَقَوْلْ r: اِيْ بَلْ لْ  
اِيْ دَمُرْتَلْ اَوْ دُوَادْ وُبْ اْ هَاوْرْ. اِيْ طَعْلْ اَوْ بْ

4524. Анас розияллоҳу анҳудан ривоят қилинади:

«Расулуллоҳ соллаллоҳу алайҳи васаллам билан масжидда ўтирган эдик. Бир киши намоз ўқир эди. Сўнгра у:

«Аллоҳим! Мен Сенга ҳамд бўлгани учун, Сендан ўзга илоҳи маъбуд йўқ бўлгани учун, Маннон, осмонлару ерни тенги йўқ қилиб яратувчи, жалол ва икром соҳиби бўлганинг учун Сендан сўрайман. Эй Ҳайй, эй Қойюм!» деб дуо қилди.

Шунда Набий соллаллоҳу алайҳи васаллам:

«Батаҳқиқ, у Аллоҳга дуо қилса, ижобат қиладиган, сўраса, берадиган Исми Аъзами ила дуо қилди», дедилар».

Абу Довуд ва Термизий ривоят қилганлар.

**Шарҳ:** Бу ҳадиси шарифда ҳам Аллоҳ таолонинг бир неча исмлари зикр қилинган бўлса ҳам, улардан қай бири Исми Аъзам эканини билиб бўлмайди.

Барча уламолар Аллоҳ таолонинг Исми Аъзами ила дуо қилинса, қабул бўлишига ҳеч қандай шубҳа қилмаганлар. Аммо Исми Аъзам ҳақида келган ривоятлар ҳар хил бўлгани учун Аллоҳ таолонинг исмларидан қайси бири Исми Аъзам экани ҳақида ихтилоф қилганлар.

Хулоса қилиб айтиладиган бўлса, қуйидаги исмлардан бири Исми Аъзам бўлади:

1. Аллоҳ.

2. Аллоҳ, ар-Роҳман ар-Роҳийм.

3. ар-Роҳман ар-Роҳийм, ал-Ҳайй ал-Қойюм.

4. ал-Ҳайй ал-Қойюм.

5. ал-Ҳаннон ал-Маннон, Бадийъус самаавати вал-Арзи, Зул Жалали вал-Икром.

6. Бадийъус самаавати вал-Арзи, Зул Жалали вал-Икром.

7. Зул Жалали вал-Икром.

8. Аллоҳу лаа илааҳа иллаа ҳу, ал-Аҳад ас-Сомад аллазии лам ялид ва лам ювлад ва лам якун лаҳу куфуван аҳад.

Ибн Ҳажар: «Исми Аъзам ҳақида келган ривоятлар ичида энг кучлиси шу», деганлар.

9. Робб. Робб.

10. Моликул мулк.

11. Лаа илааҳа иллаа анта, субҳанака иннии кунту миназзолимийн.

12. Калимату тавҳид.

13. Ҳуваллоҳуллазии лаа илааҳа илла ҳува Роббул аршил азийм.

14. Асмааул ҳусна – гўзал исмлар ичига беркитилган.

15. Банда чин дилдан, Аллоҳ таолодан бошқани хаёлига келтирмай, ихлос билан дуо қилса, Парвардигорнинг ҳамма исми ҳам Исми Аъзам бўлади.

16. Аллоҳумма.

17. Алиф лаам мийим.

Ушбу сарлавҳа остида келган ҳадиси шарифлардаги дуоларнинг арабча матнини ёдлаб олиб, дуо қилиб юрилса, ижобат бўлиши умид қилинади.

**Шайх Муҳаммад Содиқ Муҳаммад Юсуф**

*(Ҳадис ва ҳаёт китобидан)*

